

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

**Zaključak po Prijavi koncentracije privrednih subjekata „OPTIMA Grupa“
d.o.o za trgovinu naftom i naftnim derivatima Banja Luka, Bosna i Hercegovina
i “KEPOL TERMINAL” d.o.o., Zadar, Republika Hrvatska**

**Sarajevo
januar, 2011. godine**



Broj: 01-26-1-025- 9- II/10
Sarajevo, 18.01.2011. godine

Na osnovu člana 25. stav (1) tačka e), člana 42. stav (2), a u vezi sa čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po zajedničkoj Prijavi koncentracije privrednog subjekta „OPTIMA Grupa” d.o.o. za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina i privrednog subjekta KEPOL TERMINAL d.o.o. za skladištenje i trgovinu, Gaženička bb, 23000 Zadar, Republika Hrvatska, podnesenoj putem Dijane Savić, Glavnog specijaliste u Odjeljenju za korporativno upravljanje u Direkciji za korporativno upravljanje OPTIMA Grupe, zaprimljenoj dana 01.11.2010. godine pod brojem: 01-26-1-025-II/10, Konkurencijsko vijeće, na 7. (sedmoj) sjednici održanoj dana 18.01.2011. godine, je donijelo

Z A K L J U Č A K

1. Odbacuje se zajednička Prijava koncentracije privrednog subjekata „OPTIMA Grupa“ d.o.o. za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina i privrednog subjekta „KEPOL TERMINAL” d.o.o., Gaženička bb, 23000 Zadar, Republika Hrvatska radi nepostojanja obaveze prijave, u smislu odredbi Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 01.11.2010. godine pod brojem: 01-26-1-025-II/10, zajedničku Prijavu koncentracije (u daljem tekstu: Prijava) po kojoj privredni subjekt „OPTIMA Grupa“ d.o.o. za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina i privredni subjekt KEPOL TERMINAL d.o.o. za skladištenje i trgovinu, Gaženička bb, 23000 Zadar, Republika Hrvatska (u daljem tekstu: „OPTIMA Grupa” i „KEPOL TERMINAL” ili Podnosioci prijave) namjeravaju izvršiti zajedničko ulaganje na dugoročnoj osnovi kojim osnivaju u Republici Hrvatskoj privredni subjekt Nestro Adria Slavonski Brod d.o.o. za trgovinu i skladištenje nafte, Gaženička bb, 23000 Zadar, Republika Hrvatska (u daljem tekstu: Nestro Adria Slavonski Brod) i privredni subjekt Nestro Adria Zadar d.o.o. za trgovinu naftom i naftnim derivatima, Gaženička bb, 23000 Zadar, Republika Hrvatska (u daljem tekstu: Nestro Adria Zadar).

Prijava je podnesena putem Dijane Savić, Glavnog specijaliste u Odjeljenju za korporativno upravljanje u Direkciji za korporativno upravljanje privrednog subjekta „OPTIMA Grupa”, na osnovu punomoći br. 3998-10/10 izdate dana 28.10.2010. godine.

Konkurencijsko vijeće je uvidom u podnesenu Prijavu utvrdilo da ista nije bila potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu

podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10), te je zatražilo dopunu iste aktom broj: 01-26-1-25-1-II/10 dana 18.11.2010. godine.

Podnosioci prijave su zatražili produženje roka za dostavu tražene dokumentacije, u smislu člana 31. stav (2) Zakona, podneskom broj: 01-26-1-25-2-II/10 dana 22.11.2010. godine. Nakon razmatranja zahtjeva Konkurencijsko vijeće je odobrilo produženje roka za dostavu dopune Prijave, aktom broj: 01-26-1-25-3-II/10 dana 24.11.2010. godine.

Podnosioci prijave su dostavili dio dokumentacije, podneskom broj: 01-26-1-25-4-II/10 dana 01.12.2010. godine. Budući da nije dostavljena sva dokumentacija, Konkurencijsko vijeće je zatražilo dopunu Prijave aktom broj: 01-26-1-25-5-II/10 dana 16.12.2010. godine, te su Podnosioci prijave istu dopunili podneskom broj: 01-26-1-25-6-II/10 dana 22.12.2010. godine.

Konkurencijsko vijeće je nakon dostavljenih dopuna Prijave izdalo Potvrdu o prijemu kompletne i uredne Prijave, u smislu člana 30. stav (3) Zakona, dana 31.12.2010. godine broj: 01-26-1-25-7-II/10.

Podnosioci prijave su, u smislu člana 30. stav (2) Zakona, naveli da je zahtjev za ocjenu predmetne koncentracije upućen i Agenciji za zaštitu tržišnog natjecanja Republike Hrvatske.

Konkurencijsko vijeće je iz Prijave utvrdilo slijedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekt „OPTIMA Grupa“ d.o.o. za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina i privredni subjekt „KEPOL TERMINAL” d.o.o. za skladištenje i trgovinu, Gaženička bb, 23000 Zadar, Republika Hrvatska.

1.1. Privredni subjekt „OPTIMA Grupa“

Privredni subjekt „OPTIMA Grupa“ d.o.o. za trgovinu naftom i naftnim derivatima Banja Luka, Kralja Alfonsa XIII broj 37A, 78000 Banja Luka, Bosna i Hercegovina registrovan je dana 11.02.2008. godine na Osnovnom sudu u Banja Luci pod brojem 1-16709-00.

Osnovna registrovana djelatnost privrednog subjekta „OPTIMA Grupa“ su trgovina naftom i naftnim derivatima.

Privredni subjekt „OPTIMA Grupa“ u 100,0% je vlasništvu privrednog subjekta Otvoreno akcionarsko društvo „NeftegazInKor“ Ul. Kalančevskaja 11. Korpus 2. Moskva, Ruska Federacija.

Privredni subjekt Otvoreno akcionarsko društvo „NeftegazInKor“ u Bosni i Hercegovini ima vlasničke udjele i u:

- privrednom subjektu Nestro Petrol a.d. Banja Luka, 80,000031% vlasničkog udjela u osnovnom kapitalu (osnovna djelatnost promet naftom, naftnim derivatima i prirodnim gasom),
- privrednom subjektu „Rafinerija nafte“ a.d. Brod, 79,998602% vlasničkog udjela u osnovnom kapitalu (osnovna djelatnost proizvodnja, prerada i promet derivata nafte),
- privrednom subjektu „Rafinerija ulja Modriča“ a.d. Modriča, 75,651467% vlasničkog udjela u osnovnom kapitalu (osnovna djelatnost proizvodnja, prerada i promet derivata nafte).

Privredni subjekt „OPTIMA Grupa“ je osnivač i jedini vlasnik privrednog subjekta Nestro Dunav d.o.o. Beograd, Republika Srbija, čija je osnovna registrovana djelatnost trgovina na veliko čvrstim, tečnim i gasovitim gorivima i sličnim proizvodima.

1.2. Privredni subjekt KEPOL TERMINAL

Privredni subjekt „KEPOL TERMINAL“ d.o.o. za skladištenje i trgovinu, Gaženička bb, 23000 Zadar, Republika Hrvatska registrovan je dana 16.03.2001. godine na Trgovačkom sudu u Zadru pod brojem 46875965831.

Osnivač i jedini vlasnik privrednog subjekta „KEPOL TERMINAL“ je privredni subjekt „BASIC INVEST-CONSULT GmbH, dr. –F. – Palla Gasse 21/II, Karnten, Klagenfurt, Austrija.

Osnovne registrovane djelatnosti privrednog subjekta „KEPOL TERMINAL“ su skladištenje i trgovina hemijskih proizvoda i naftnih derivata, pružanje usluga transporta, čuvanja i pretovara naftnih derivata pri čemu posjeduje vlastite proizvodne objekte i transportnu infrastrukturu.

Privredni subjekt „KEPOL TERMINAL“ djeluje na tržištima Republike Hrvatske i Republike Austrije, a nema povezanih privrednih subjekata niti poslovno djeluje na tržištu Bosne i Hercegovine.

2. Pravni osnov koncentracije

Privredni subjekt „OPTIMA Grupa“, zastupan po direktoru Yury Belovu (broj putovnice: (..)*)¹, izdana od Ruske Federacije) i privredni subjekt „KEPOL TERMINAL“, zastupan po direktoru Boži Krce (LK br: (..)*)- Republika Hrvatska), zaključili su Društvene ugovore u Zagrebu, dana 13.10.2010. godine, potvrđene pred javnim bilježnikom dana 14.10.2010. godine.

Predmet Društvenih ugovora je zajedničko dugoročno ulaganje u Republici Hrvatskoj u cilju osnivanja privrednog subjekta Nestro Adria Slavonski Brod (djelatnost - trgovina i skladištenje nafte i naftnih derivata) i privrednog subjekta Nestro Adria Zadar (djelatnost - trgovina naftom i naftnim derivatima).

Prema Ugovorima udio privrednog subjekta „OPTIMA Grupa“ u privrednom subjektu Nestro Adria Slavonski Brod iznosi (..)*)% (ukupan osnovni kapital je (..)*)Kn ((..)*)KM)), a privredni subjekt „KEPOL TERMINAL“ će imati (..)*)% u osnovnom kapitalu, dok u privrednom subjektu Nestro Adria Zadar udio privrednog subjekta „OPTIMA Grupa“ iznosi (..)*)%, a privrednog subjekta „KEPOL TERMINAL“ (..)*)% osnovnog kapitala (ukupan osnovni kapital je (..)*)Kn ((..)*)KM)).

Privredni subjekt Nestro Adria Zadar i privredni subjekt Nestro Adria Slavonski Brod se osnivaju radi obavljanja djelatnosti trgovine naftom i naftnim derivatima, te transporta i skladištenja istih isključivo na tržištu Republike Hrvatske.

3. Obaveza prijave koncentracije

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2009. godine iznosili su:

Tabela 1.

	OPTIMA Grupa	KEPOL TERMINAL	
	KM	KN	KM
Svijet	(..)*)	(..)*)	(..)*)
Bosna i Hercegovina	(..)*)	(..)*)	(..)*)

¹ Podaci predstavljaju poslovnu tajnu

Izvor: Podaci iz Prijave

4. Ocjena predmetne Prijave

Prema podacima iz Prijave privredni subjekt „OPTIMA Grupa“ u 2009. godini je imao tržišni udio manji od 40,0% dok privredni subjekt „KEPOL TERMINAL“ nije imao poslovnog djelovanja na tržištu prodaje nafte i naftnih derivata u Bosni i Hercegovini.

Zajedničkim ulaganjem na dugoročnoj osnovi osnivaju se privredni subjekti Nestro Adria Slavonski Brod i Nestro Adria Zadar na teritoriji Republike Hrvatske te se u predmetnoj transakciji radi isključivo o proširenju tržišta privrednog subjekta „OPTIMA Grupa“ na tržište Republike Hrvatske. Imajući u vidu navedeno, a u skladu sa članom 2. Zakona, na predmetnu koncentraciju se ne mogu primijeniti odredbe Zakona.

Slijedom navedenog, Konkurencijsko vijeće je utvrdilo da predmetna Prijava ne ispunjava uslove obaveze prijave koncentracije u skladu sa Zakonom, te je odlučilo kao u dispozitivu ovoga Zaključka.

5. Administrativna taksa

Podnosioci prijave na ovaj Zaključak, u skladu sa članom 2. tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) su dužni platiti administrativnu taksu u ukupnom iznosu od 1.000,00 KM, u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

dr. Stjepo Pranjić